

Санкт-Петербургская
православная духовная академия
Архив журнала «Христианское чтение»

В.Г. Дружинин

«Священноиерей»

**Матвей Андреев, его беседы с
беспоповцами и послания к ним:
к истории полемики между старообрядцами в
начале XVIII века**

Опубликовано:

Христианское чтение. 1908. № 11. С. 1542-1557.

© Сканирование и создание электронного варианта:
Санкт-Петербургская православная духовная академия
(www.spbda.ru), 2009. Материал распространяется на основе
некоммерческой лицензии [Creative Commons 3.0](https://creativecommons.org/licenses/by/3.0/) с указанием
авторства без возможности изменений.



СПБПДА
Санкт-Петербург
2009

„Священноіерей“ Матвѣй Андреевъ, его бесѣды съ
безпоповцами и посланія къ нимъ *).

(Къ исторіи полемики между старообрядцами въ началѣ XVIII вѣка).

V. Обличеніе о лжеучителяхъ и прелестникахъ.

(91 об.). Обличеніе о лжеучителяхъ и прелестникахъ отъ Святаго Евангелія ¹⁾.

Господь нашъ Ісусъ Христосъ—истинный Пастырь и начатокъ всѣмъ святымъ писаніемъ, о послѣдней прелести часто вспоминая, соблюдая и утвержая правовѣрныхъ, сице глаголетъ въ Евангеліи ²⁾: Блюдитесь огъ книжникъ, хотящихъ ходити во одеждахъ овчїихъ, внутрь же суть волцы, хищницы, грабители, отъ плодовъ ихъ познаете ихъ ³⁾. Блюдите, да никтоже васъ прельститъ: мнози бо придуть во имя Мое, глаголюще: Азъ есмь Христосъ, и многихъ прельстятъ ⁴⁾. Аще рекутъ вамъ: се Христосъ въ пустыни есть, еже есть въ пустошныхъ и маловременныхъ глаголахъ ⁵⁾, не изыдите, ни откуду не изходите, еже есть отъ единой святыя соборныя апостольскія церкви, отъ прежнія святыя правыя вѣры установленныя Святымъ Духомъ и утвержденныя Христомъ, за новыми ересьми и отступники не изходите ⁶⁾. Блюдите, да не прельщени будете, и время приближися, не изыдете убо вслѣдъ ихъ. Лъстящїи мнози, а прельщающїися множайшіи ⁷⁾. Аминь, аминь, глаголю вамъ: не входяй дверьми во дворъ овчїй, но прелазя инуде, той тать есть и разбойникъ ⁸⁾. Тать убо, иже не писаньми входя въ дворъ овчїй, яко промышляти ими, но прелазя инуде, се же есть инъ себѣ просѣкая путь, якоже Ѳевда, Іюда отлучиста отъ Христа, погубиста и изтлиста ⁹⁾. Тать не приходитъ развѣ да украдетъ и убіетъ, и погубитъ, понеже убо Ѳевдѣ и Іюдѣ послѣдовавшїи заколени быша и погибоша; сице убо онѣхъ и подобныхъ имъ лжеучитель татьми нарицаеть.

Святыи апостоль Петръ воспоминаеть ¹⁰⁾, яко въ послѣдняя

*) Окончаніе, см. октябрь.

¹⁾ Книга Вѣры, глава 30. ²⁾ Матѳ. 22. ³⁾ Матѳ. 98. ⁴⁾ Мар. 60. ⁵⁾ Знам. 8, листъ 45. ⁶⁾ Лук. 105. ⁷⁾ Іоаннъ 35. ⁸⁾ Благовѣстникъ Іоанна. ⁹⁾ Тол. ¹⁰⁾ Зач. 68. 66.

дни придуть ругатели, по своихъ похотехъ и нечестіи ходящій. Быша же и лживіи пророцы въ людехъ, якоже и во вась будутъ лживіи учителя, иже внесуть ереси погибели и искушльшаго ихъ Владыки отлетающіися, приводяще себѣ скору погибель, и мнози пойдуть вслѣдъ ихъ нечистотъ, имже путь истинный похулится, и во преумноженіи льстивыхъ словесъ вась уловятъ. Святыи апостолъ Павелъ въ дѣяніихъ (зач. 44). Азъ бо вѣмъ сіе, яко по отшествіи моемъ видуть волцы тяжцы въ вась, не шадящій стада, и отъ вась самѣхъ востануть мужіе, глаголющій развращенная, еже отторгнути ученики вслѣдъ себе. Сего ради бдите ¹⁾. Таковіи лживіи апостоли, дѣлатели льстивіи, преобразующеся во апостоли Христова, дѣлатели льстивіи ²⁾ дѣлають убо да изторгнуть насажденная, личину приѣмше истины, тако вещь прелести лицемѣруютъ, и имѣній убо рече не взимають да большая возмутъ да душу погубятъ ³⁾. Не послушай прелестника, ни во всемъ ниже исполу, дабы поль Христа, поль же его послухъ.

Святыи апостолъ Іоанъ Богословъ, Апокалипсисъ ⁴⁾: Дѣти, послѣдняя година есть, якоже слышасте, яко антихристь грядеть, и нынѣ антихристи мнози быша, и отъ сего разумѣваемъ, яко послѣдній часъ есть. О правдѣ ⁵⁾, яко много предотечевъ, но и самъ уже близъ есть по числу еже о немъ 666, число бо чловѣческо есть антихристово. Кто вѣсть, аще въ сихъ лѣтахъ 1666 явственныхъ предотечевъ его или того самого не укажетъ. И се отступленіе указываетъ Духъ Святыи во апокалипсисѣ ⁶⁾ о антихристѣ по числу звѣря 666

(л. 92). Святыи апостолъ Павелъ 2 Солун. зач. 275 ⁷⁾. Да никтоже вась прельститъ ни по единому образу, яко аще не придетъ отступленіе прежде, и открыеться чловѣкъ грѣха, сынъ погибели, противникъ и превозносяйся паче всякаго глаголемаго Бога или чтилища, яко сѣсти ему въ церкви Божіи, аки Богу, показующу себе, яко Богъ есть ⁸⁾. Златоуста толкъ и веія тайны открываетъ. Что есть отступленіе? Того самаго антихриста нарицаеть отступленіе, яко многихъ имуща погубити и отставити, тако яко, рече, соблазнити, аще мощно есть и избранныя. Се бо апостолъ Павелъ и святыи Златоустъ воспоминаеть, дабы ложнаго ради умышленія ко иной ложной главѣ кромѣ Христа не приставали ⁹⁾. Блудитесь да никто вась будетъ прельщая философією и тщетною лестію по преданію чловѣческому, по стихіямъ міра, а не по Христѣ Ісусѣ ¹⁰⁾. Того ради въ вась тѣла Христова никтоже да не небрежетъ ¹¹⁾, а яже не вѣде учить, безъ ума дмяся и не держитъ Христа главы, изъ неяже все тѣло, и самъ чинится вмѣсто Христа главою церкви

¹⁾ Коринѣ. зач. 192. ²⁾ Тол. 1387. ³⁾ Златоустъ 2093. ⁴⁾ Глава 2. ⁵⁾ Вѣры глава 30. ⁶⁾ Глава. 13. ⁷⁾ Глава 2. ⁸⁾ Златоустъ тол. 2333. ⁹⁾ Колас. 254. ¹⁰⁾ Кирил. знам. 1. ¹¹⁾ Колас. 255.

Христовы, той есть антихристь. О семь бо святыи Кирилль знаменіе 6 глаголетъ ¹⁾: яко антихристь прежде пришествія своего учинитъ, яже вездѣ жертвенники и истинную жертву истребитъ и кумиръ свой на святѣ мѣстѣ поставитъ. Уже бо сидевое мерзостное запусѣніе посланніи отъ него лжепророцы начинаютъ, и отъ того познаемъ, яко уже близъ есть день Господьскій, но не у еще кончина, дондеже самъ приидеть, и съ нимъ совершится и исполнится мерзость вседневнога запусѣнія.

Егдаже узрите мерзость заустенія, реченную Данииломъ пророкомъ стоящу на мѣстѣ святѣ, идѣже не подобаетъ, чтый, да разумѣетъ ²⁾, можетъ ся разумѣть сіе и по обычаю (?) ³⁾. Мерзость бо запусѣнія есть всяко разумѣніе сатанинско, стояи на мѣстѣ святѣ, нашемъ разумѣ, идѣже не подобаетъ ⁴⁾. Сія убо мерзость толкуется по писанію—воинство антихристово, разоряющее церковь Божію. Отъ словесъ святаго апостола Павла ⁵⁾ познаемъ: тайна беззаконія уже дѣется, точію содержаи нынѣ ⁶⁾. Тайна уже дѣется беззаконія во своихъ ему предотечахъ, и ему самому мѣсто готовятъ. Святыи Кирилль Ерусалимскій знаменіе 7 ⁷⁾. А нынѣ уже видимо есть отступленіе, отступиша бо мнози челоуѣцы отъ правыа вѣры и ищутъ слухи приложенными глаголы, и вси послушаютъ сладкѣ прелести, и вси предаются на глаголѣ тїи; и удалишася вси челоуѣцы отъ добрыхъ дѣлъ и изволиша лучше прелестное, нежели похваляютъ самую истину. И се есть уже отступленіе, и ожидаемъ врага, яже помалу пошлетъ предотечъ своихъ, даже и самъ на готовое пришедъ и останокъ уловитъ. Тако и отступникъ антихристь ничтоже, кромѣ дѣмонъ содѣваетъ ⁸⁾. Сотваритъ бо образъ звѣриный и покажетъ глаголюще, и огонь съ небеси снизходите сотворитъ, дабы прельстилъ люди ⁹⁾, осудитъ же убіенымъ быти, яже ея ему не поклонятъ; и сотворитъ себе мертва быти ложно и потомъ воскреснетъ; симъ знаменіемъ весь миръ удивляти иматъ.

(об.) Анггелъ господень утверждаетъ вѣрныя ¹⁰⁾, еже не пріяти антихриста и поклонятисъ антихристу возбраняетъ тяжде ¹¹⁾. Аще кто поклонится звѣрю и образу его и пріиметъ начертаніе на челѣ сооемъ или на рудѣ своей, и той будетъ пити отъ вина ярости Божіа смѣшенна неразтворенна въ чаши гнѣва его и мученъ будетъ огнемъ и жюпеломъ передъ святыми аггелы и предъ Агньцемъ, и дымъ мученія ихъ во вѣки вѣкомъ возходитъ, и не имуть покоя во дни и въ ноци, кланяющіися звѣрю и образу его и пріемлющии начертаніе его.

О печати антихристовѣ. Яко вси пріемлющии печать антихристову ¹²⁾ и поклоньшеся ему, яко Богови

¹⁾ И свят. Златоустъ тол. ²⁾ Мар. 60. ³⁾ Тол. Благовѣст. ⁴⁾ Катихистъ Больш. глава 5. ⁵⁾ Салув. ⁶⁾ Тол. ⁷⁾ Листъ 33. ⁸⁾ Апокал. глава 37. ⁹⁾ Тол. слов. 13. ¹⁰⁾ Апок. 14 зач. 42. ¹¹⁾ Тол. ¹²⁾ Свят. Ефремъ слово 105, листъ 298.

святому, ни умуть убо части во Христово пришествіе, но со змѣмъ вложени будитъ въ геену ¹⁾. Антихристовыхъ предотечъ блюстися повелѣваетъ. Даже въ то время не вѣмы, како прїидеть, и прельщени не будемъ, антихристу не поклонимся и не предадимся ²⁾. Аще кто ему поклонится, той царства небеснаго не наслѣдитъ. Святый Ипполитъ папа Римскій въ словѣ своемъ ³⁾: по всему убо хочетъ уподобитися льстець Сыну Божию: левъ—Христосъ, левъ и антихристъ, явися Христосъ—агнецъ, явится и антихристъ—агнецъ, внутрь сый волкъ; даде Господь знаменіе, иже въ Него вѣрующимъ, честный крестъ, и той подобнѣ дастъ свое знаменіе. Святый Ефремъ рече ⁴⁾: образъ прїимше сквернаго богопротивника за крестъ Спасителевъ. Святый Ипполитъ пишетъ: зрите повелѣнія антихристова, якоже бѣ прежде мучители Христовы мученикомъ повелѣвающе Христа отрещися и идоломъ поклонится; таково нѣчто и придобру ненавистницѣ будетъ отрицаюся, глаголюще, печати творца небу и земли, отрицаюся крещенія, отрицаюся службы моя и къ тебѣ прилагаюся и вѣрую. Егдаже скверный антихристъ поклонникомъ своимъ дастъ печать и знаменіе свое на руцѣ деснѣй и на челѣ, да никтоже честный и животворящій крестъ сотворить десною своею рукою на челѣ, но связана рука его будтъ, и оттолѣ власти не имуть знаменать своя уды но прелестнику приложатся, и такому покаянія нѣсть, всяко убо явѣ, яко погибе отъ Бога и отъ человекъ. И даруетъ тѣмъ льстець малы сиѣди печати ради своей скверная. А кто отъ христіанъ печати сквернаго не прїимуть и не послушаютъ, и онъ всескверный тѣхъ повелитъ томленьми и неизчетными муками и лютыми козньми изнурити. Будеть бо тогда скорбь велія, якоже не бысть отъ начала міра, и потомъ не будетъ.

Къ сему вспомянуть требѣсть есть и сіе вамъ ⁵⁾ о связаніи сатаны на 1000 лѣтъ и потомъ о развязаніи его ⁶⁾. П видѣхъ ангела, сходяща съ небеси, имѣя ключъ безднѣ и уже велико въ руцѣ его и ятъ змія, змію древнюю, еже есть діаволь и сатана, и связалъ и на тысящу лѣтъ и въ бездну затвори его, и заключи его, и запечатлѣ надъ нимъ, да не прельститъ къ тому языки, дондеже скончается 1000 лѣтъ (л. 93) и по сихъ подобаетъ ему отрѣшену быти мало время ⁷⁾. Здѣ діаволе разрушеніе сказуетъ бывшее Христовою страстію, егда онаго привяза къ безднѣ, а насъ избави; явѣже есть разрушеніе идольскихъ мѣлптищъ и служебъ познаніемъ воля Божія по всему міру. Ангела же глаголетъ се сотвориша, да покажетъ, яко служебныхъ силъ хуждшіи есть, силою бездобъ ся гордитъ на вся.

¹⁾ Книга Кирил. глава 4. ²⁾ Листъ 22. ³⁾ О страшномъ судѣ пишетъ, листъ 127. ⁴⁾ Слов. 105. ⁵⁾ Апокалипсисъ, глава 20, стихъ 255. ⁶⁾ Слов. 60. *На полт.* ⁷⁾ Тол.

А юже сказуетъ противу нашему разумѣнію всю его дѣтель связуему на 1000 лѣтъ, не глаголемъ же, яко числомъ разумѣти тако, но на многа лѣта, якоже рече Давидъ: слово еже заповѣда въ тысяща родовъ, или явленному совершенному числу тысящу лѣтъ отъ Христова воплощенія до антихристова пришествія, Богу единому то есть вѣдомо, иже вѣсть доколѣ есть намъ полезно жити. По тому же пришедъ льстець смутитъ всю вселенную, нося въ себѣ злую дѣтель, отъ него же дѣлъ дабы избавилъ ны милостивый Богъ нашъ, Ему же слава во вѣки вѣкомъ. Аминь.

Свидѣтельство 1 ¹⁾. О Римскомъ отпаденіи. Тако всегда въ памяти имѣть всѣмъ православнымъ прежде бывшіе вины и сему внимати ²⁾, яко по 1000 лѣтъ отъ воплощенія Божія Слова Римъ отпаде отъ Восточныя церкви со всѣми западными странами ³⁾. Являетъ о разнствіи: яко Духъ Святыи отъ Отца и Сына изходитъ, и опресноки служатъ, и огонь очистительный и ины многи ереси, еже тысяща тысящъ злымъ виновно бысть. Се есть первое отрваніе. Второе оторваніе христіанъ отъ Восточныя церкви въ 595 лѣтъ по тысящи ⁴⁾. Тогда Юниты, се есть пять владыкъ жителіе въ Малой Россіи къ Римскому костелу отступили ⁵⁾. Правыя вѣры отступили, и спасеніе свое порубиша, и клятвѣ святыхъ отецъ подпадоша, и на всей воли Римскаго папы заручную грамоту дали. Се есть второе отрваніе христіанъ.

Оберегая же сіе, пишетъ писатель Правыя Вѣры ⁶⁾: егда исполнится отъ воплощенія тысяща 666 лѣтъ, по числу звѣрину, да ничто бы отъ прежнихъ винъ зло иѣкаково не пострадать и намъ въ православной вѣрѣ. Егда же приде и исполнися по 1600 лѣтехъ 66 число, тогда, охъ горе и увы, въ Великой Россіи наста отступленіе правой вѣры и развращеніе, мудрѣе и лукавѣйшии первыхъ, отъ созданія міра по 7161-го.

Свидѣтельство 2. О измѣненіи благолѣпоты церковныя и о премѣненіи вѣры, о развращеніи чиновъ службы книгъ. Пишутъ страдальцы протопопъ Аввакумъ и священникъ Лазарь, болѣзнующе и плачюще въ сердцахъ своемъ ⁷⁾. Богу тако поустившу за согрѣшенія наша, бывший пастырь Никонъ патріархъ въ лѣто 7160-го, егда убо пріять престоль Всероссійской церкви и притворися, воинъ сый въ кожѣ овчей. Во 162-мъ вѣру правую нарушилъ и благолѣпоту святыя церкви опроверже, свята догматы и чины измѣнивъ, единости истинныя правыя вѣры и святой Восточной церкви отвергшися, и прежнихъ святѣйшихъ 5 патріарховъ, святѣйшаго Іова, святѣйшаго Гермогена, святѣйшаго Филарета, святѣйшаго Іосафа, святѣйшаго Іосифа и прочихъ святыхъ святителей и учителей:

¹⁾ На полѣ. ²⁾ Книга Вѣра. Глава 30. ³⁾ Глава 28. ⁴⁾ Вѣры Глава 30. ⁵⁾ О присягѣ главы 23 и 24. ⁶⁾ Глава 30. ⁷⁾ Глава 3 и 11.

Петра, Алексія, Іоны отступивше и къ западнымъ приложшася (об.) ¹⁾. Благочестіе отъ крещенія великаго князя Владимера въ Россійскомъ царствіи 7-сотъ лѣтъ, яко солнце сіяше посреди круга небеснаго до Никонова отступленія и премѣненія. Болѣзную убо въ сердцы моемъ и плачюся, глаголю о измѣненіи благолѣпоты церковныя, яко собышася пророческая словеса сія ²⁾: пастыри мнози разстлиша виноградъ Мой и потопташа часть Мою возжелѣнную ³⁾. И паки: измѣтятъ бо времена и законъ беззаконнующии и завѣтъ наведутъ съ прелестію и осквернятъ священія и преставятъ учащеніе и дадутъ въ неогнушеніе искажено ⁴⁾. Горе міру отъ соблазнъ ⁵⁾ и нужда имъ быти по словеси Христову, да познаны будутъ благочестивіи и нечестивіи, и кое злато и сребро и каменіе и дрова. Все же хотящии благочестно жити, о Христѣ гоними будутъ, лукавіи же челоуѣцы и чародѣи преусиѣють на горшее прельщающе и прельщаеми ⁶⁾.

Свидѣтельство 3. Внемлите же отъ лживыхъ пророкъ, иже приходятъ къ вамъ во одеждахъ овчїихъ, внутрь же суть волцы хищницы, отъ плодъ ихъ познаете ихъ ⁷⁾. И по сему Христову словеси новолюбныи оны власти, и по дѣломъ ихъ явни быша, что они благочестія отступиша и премѣнишася. Были воины Царя Небеснаго, а нынѣ стали воины земного царя и служители антихриста. Были ангели земни: епископы, іереи и пастыри и учителя словесныхъ овецъ, а нынѣ стали волцы и губители душамъ христіанскимъ, были преданію святыхъ апостолъ и святыхъ отецъ 7 соборовъ и церкви святыхъ поборники, а нынѣ стали антихристова преданія учителя, по дѣломъ гонители и мучители христіаномъ ⁸⁾. И первіе святая церковь, мать нашу любимую, ограбили, яко же царицу отъ порфиры обнажили, благолѣпоты и чиновъ, истинный крестъ Христовъ животворящій трисоставный отъ антимиаса и отъ просфоры сняли, отъ агньца Божія разлучили, во исповѣданіи святаго символа Духа Святаго истиннаго отставили; трисвятую аллилуію четверятъ, въ треперстномъ сложеніи Христова два естества не исповѣдуютъ; въ молитвѣ Сына Божія, въ плоть пришедша, не провѣдуютъ и велятъ креститись тремя персты; и вся чины и уставы святыхъ отецъ 7 соборовъ, запечатлѣнныя златыми печатями, догматы церковныя нарушили, и вся святыхъ книги развратили, по воли своей, мнящеся мудры быти, гордостію величающеся надъ тѣми, и приложша истинну во лжу и почтоша беззаконіе въ законъ. Истинныхъ пастырей, святыхъ отецъ отступиша и

¹⁾ Кормчей листъ 10, 15. ²⁾ Іереміа глава 12. ³⁾ Даниилъ глава 11. ⁴⁾ Матѣ. 18, Мар. 9. ⁵⁾ Апостолъ Тимое. 3. ⁶⁾ Матѣ. 7, Мар. 12. ⁷⁾ Священномученикъ протопопъ Аввакумъ, глава 3. *Приводимыя далѣе выдержки изъ сочиненій первыхъ расколоучителей неизвѣстны по печатнымъ изданіямъ.* ⁸⁾ Священномученика діакона Феодора страдальца. *По содержанію подходитъ нашего сбѣорника № 237 глава 2 и 6, л. л. 65 и 74 об.*

къ западнымъ приложишася, точію еще лжею лицемѣрія своего, яко овчиною закрывающе въ себѣ внутренняго волка, не объявляются съ тѣмъ, но и паче отъ дѣлъ своихъ въ законѣ пребывающимъ отческихъ мученіемъ явны быша ⁹⁾.

Свидѣтельство 4. Благочестія поборникъ по вѣрѣ и по церкви Христовѣ юзникъ, страдалецъ діаконъ Феодоръ благовѣрнымъ отцемъ и возлюбленнымъ братіямъ, чадомъ Сіонскимъ, о Христѣ Ісусѣ радоватись и утвержатись во исповѣданіи святыхъ православныхъ вѣры твердо и непревратно стояти за благочестіе и непоступни бывайте во святыхъ отческихъ преданіихъ, даже съ ними наслѣдите вѣчное царство въ въ горнѣмъ Іерусалимѣ. О семъ точію болѣзную душею и воздыхаю горько и плачюся: Богу попускающу за согрѣшенія наша противнику врагу дѣйствующу пестрообразною ересію и мерзостію заустѣнія стоящу на мѣстѣ святѣ, еже дѣлатели льстивіи творять предъ очима зрящихъ (л. 94). Егда убо пріять престоль и обладаше церковію, Никонъ патріархъ и два его лучшіи борцы отступницы же и прелгатели Павелъ митрополитъ Крутицкій, Ларіонъ архіепископъ Рязанскій, Іоакимъ архимандритъ Чюдовскій—человѣкоугодницы и защитницы змѣвы. Сіи прелукавіи змѣи и злохитренніи волцы зѣло цареву душу возмущаху и на кровопролитіе христіанское поучаху его, присно совѣтующе, чтобъ вси пріями крупно вѣру ихъ новую и руки своя приложили Никонову лукавому умышленію ко премѣненью вѣры и догматовъ, а не пріемлющихъ и непокаряющихся прещеніемъ и различными муками и томленіемъ мучити и казнити.

О обруганіи и изверженіи и заточеніи неповинныхъ и о страданіи новыхъ мученикъ ¹⁾). Тогда убо добрый пастырь бысть Христова стада епископъ Павелъ Коломенскій, къ тому Никона патріарха собору первый руки своя не приложилъ, и за то его Никонъ воровски обругалъ и въсылку сослалъ его въ монастырь преподобнаго Варлаама на Хутыню. И тамо бысть архимандритъ Борашко, и того неповиннаго епископа Павла принялъ подъ началь, много ругалъ, томилъ и мучилъ. И за то у того Борашка Божіимъ гнѣвомъ языкъ ему отъялся, и тако ходилъ нѣмъ и до смерти своей тѣмъ болѣзновалъ. Смиранный же той епископъ Павелъ начатъ уродствовати Христа ради ²⁾; и увѣдавъ то Никонъ, посла тамо слугъ своихъ въ Новгородскія предѣлы, идѣ же онъ ходя странствовалъ и народъ утверждалъ. Тамо обрѣтше его въ пустѣ мѣстѣ и похватиша его, яко волцы кроткую овцу, и убиша, и тѣло его огнемъ сожгоша. Тако тому рабу Божію конецъ мученія сотвори. Се же бысть начало безбожнаго Никонова сборища и лютость злобы его. И собывахуся словеса и писаніе святаго пророка Да-

¹⁾ Того-же страдальца діакона Феодора. ²⁾ О скончаніи епископа Павла.

ніла: 1) изыде беззаконіе отъ старецъ и судей священниковъ Вавилонскихъ, иже осудиша неповинную Сусанну. И паки исполнихуся Давида пророка словеса 2): Боже, придоша языцы въ достояніе Твое, оскверниша церковь святую Твою, положиша трупія рабовъ твоихъ птицамъ небеснымъ, плоти преподобныхъ твоихъ звѣремъ земнымъ.

Молю же вы, любимицы 3) христілюбими, приклоните ушеса ваша во глаголы устъ моихъ, да побесѣдую вамъ отъ части о новыхъ страдальцахъ, и исповѣдникахъ Христовой вѣры, и о благочестіи поборниковъ, усердныхъ и теплыхъ стоятелей, о страданіи и великомъ ихъ мученіи 4).

Многая убо подвигоша гоненія на церковь Христову, и многая святія мѣста, обители и церкви Божія по всей Россіи ученицы Никона раззориша и разграбиша и за благочестіе ревнителѣй и стоятелей различно умориша: священно-протопопа Ивана Неронова Казанскаго, священно-протопопа Даніила Костромскаго, священно-протопопа Логгина Муромскаго. Сіи друзи быша царева духовника благаго пастыря Стефана протопопа Благовѣщенскаго; купно съ нимъ въ заточенія различна разславшѣ и тамо различными муками, томленіемъ и голодомъ безъ вѣсти смерти предаша. Тако же тогда и иныхъ многихъ о вѣрѣ Христовой благочестія поборниковъ и теплыхъ рачителѣй огню и раз. (об.) личнымъ мукамъ предаша и голодомъ замориша: священно-мученика Гавріила огнемъ сожгли, священно-мученика Михаила того безъ вѣсти сказнили, священно-мученика Полиекта, съ нимъ купно 14 челоуѣкъ вѣрныхъ огнемъ сожгли, честнаго старца Авраамія и друга его Исаію Солтыковыхъ въ заточеніи на Колмогорахъ огнемъ сожгли, Иванна уродиваго Христа ради въ Боровску сожгли. Евдокима и Петра цѣломудреныхъ страдальцовъ безъ вѣсти сказниша. Старца Варлаама 5), инока Пахомія и прочихъ иноковъ: Филипа, Епифанія, Іоасафа по многомъ томленіи огнемъ сожгли. Томо же боголюбивыхъ многихъ мужей—бѣльцовъ ревнителѣй по вѣрѣ и за крестъ Христовъ: Θεодора, Луку, Карпа, Логгина, Гавріила, Василія, два съ нимъ Афанасія, многоразумнаго и словеснаго мужа Александра, съ нимъ Димитрія, Иванна и Лаврентія огнемъ сожгли. Тако-жъ да тама и иныхъ многихъ затомиша и умориша. Тамо-жъ казнены: Григорій, Іосифъ, Епимахъ, Евфимій, Андрей, — главы имъ отсѣкли. Ларіонъ 6), Трефилій, Самсонъ—сіи много мукъ претерпѣша за Христа и нужною смертію въ темницѣ умроша 7). Тако-жъ множество боголюбивыхъ ревнителѣй за святую вѣру и церковь и за крестъ Христовъ старцовъ пустынныхъ съ ними и бѣльцовъ замучили и

1) Даніилъ 13. 2) Псаломъ 70. 3) Страдалецъ діаконъ Θεодоръ. 4) О казняхъ и заточеніи и о смертѣхъ новыхъ мучениковъ. 5) Въ Великомъ Новгородѣ страданія новыхъ мучениковъ. 6) Въ нашемъ сборникѣ: Родіонъ. 7) Въ Нижнемъ-Новгородѣ.

огнемъ сожгли: таможь опослѣ діакона Александра сожгли; во Владимирѣ шести человекъ сожгли; въ Казани градѣ 30 человекъ сожгли, а по Волгѣ, на Дону и до Астрахани безчисленное множество прижгли и многими муками различными умучиша, голодомъ, и томленіемъ, и огнемъ пожгоша и въ темницахъ умориша. Много убо множество людей боголюбивыхъ въ Ярославлѣ и на Костромѣ, въ Романовѣ и по инымъ странамъ мучили ¹⁾ и огнемъ пожгли, голодомъ затомили и различнымъ предавали, мняся службу приносить Богу и вѣру свою утвержати. И намъ правовѣрнымъ, изгнаннымъ за Христову вѣру и церковь и честный крестъ Христовъ и за непорочныя догматы церковныя гораздо любо, что русская наша земля освятилась кровію мучениковъ новыхъ страдальцовъ и исповѣдниковъ за правую благочестивую святую вѣру и за честный крестъ Христовъ ²⁾.

Благословенъ Богъ ³⁾ яко и при нашемъ родѣ изростоша мученицы и сподобихомся и мы человекъ видѣти Христа ради заколаемы и мучимы, кровь каплющую, бѣсомъ убо страшну, ангеломъ же любезну, намъ же, правовѣрнымъ, спасительну. Благодаримъ Бога, яко сподобихомся видѣти человекъ о благочестіи ратующая по вѣрѣ и по церквѣ поборающая, и за крестъ Христовъ умирающе, и противная побѣждающая и вѣнчаваемы вѣнцы нетлѣнными. Не видѣти-жъ точію сподобихомся, но и та самая тѣлеса страдальцовъ пріяти и у себѣ вѣнечники и новыя исповѣдники нынѣ имамы ⁴⁾. И якоже Авелева неповинна кровь и Захаріина проліяна между церковію и алтаремъ, и яко глава Крестителява отсѣченна на блюдѣ обличаше беззаконнаго Ирода любодѣяніе, тако и нынѣ многи крови, страданіе, томленье и мученіе, и сожженіе обличаютъ повсюду новолюбныя власти, гонители и мучители. Слыши небо и внуши земле, и вы, вся свѣтила небесныя, солнце, и луна со звѣздами, будите свидѣтели крови нашея, изливающегося за благочестіе и за благолѣпоту церковную и за святыя догматы (л. 94) ⁵⁾. Слышите, сонме святой, сынове свѣта, святаго евангелія Христова, то-ли то есть наша вина смертная, еже исповѣдуемъ истинную вѣру Христову и держимъ святыхъ апостолъ и святыхъ отецъ преданіе, неизмѣнно стоимъ и побораемъ за святую соборную апостольскую церковь, за истинный крестъ Христовъ, за непорочный символъ ⁶⁾, за истинно сложеніе знаменіе крестное двуперстовъ, за тресвятую аллилуію, за пречистыя тайны Хри-

¹⁾ Страдальцы Аввакумъ, Лазарь, Феодоръ. ²⁾ Это близко подходитъ къ лл. 67—74 нашего сборника № 237 главы 3—5; есть и буквальный выдержки. Ср. также, Матеріалы для исторіи раскола, I, с. 262 и слѣд. ³⁾ Свят. Златоустъ. Маргаритъ. Листъ 174. ⁴⁾ Священно-мученикъ страдалецъ протопопъ Аввакумъ. ⁵⁾ Соловецкая челобитная 176-го году сентября 22 день. Въ Мат. III, нѣтъ соответственнаго мысла. ⁶⁾ Во обличеніи, еже премѣнилъ.

стовы и за вся святія церковныя тайны и неспорочныя догматы, и за вся святія книги, прежде бывшихъ православныхъ царей и благочестивыхъ пяти патриарховъ Московскихъ: 1) святѣйшаго Іова, святѣйшаго Гермогена, святѣйшаго Филарета, святѣйшаго Іоасафа, святѣйшаго Іосифа, и прочихъ святителейъ русскихъ святія служебники и потребники ихъ и прочія святія книги, и святія службы, и чины и уставы.

С в и дѣ т е л ь с т в о ѿ. Избранный сосудъ Христовъ святый апостоль Павелъ утверждаетъ вѣрныхъ: 2) „Братіе, блюдитесь, да никто васъ будетъ прельщая философією и тщетною лестію по преданію человѣческому, по стихіямъ міра, а не по Христъ Ісусъ, яко въ Томъ живетъ всяко исполненіе божества тѣлесна, и есте въ немъ исполнени, Иже есть глава всякому началу и власти“ 3). „Братіе, не бывайте удобъ преложни ко иному ярму, ятоже невѣрніи. Кое бо причастіе правдѣ ко беззаконію или кое общеніе свѣту ко тмѣ? Коеже согласіе Христови съ веліаромъ, или кая часть вѣрну съ невѣрными, или кое сложеніе церкви Божіи со идолы?“ 4). Тъмъже изыдите отъ средъ ихъ и отлучитесь, глаголетъ Господь, и нечистотѣ не прикасайтесь, и Азь прииму вы“ 5). Не хощу же васъ общники быти бѣсомъ, не можете чашу Господню пити и чашу бѣсовскую, не можетъ трапезѣ Господней причаститись и трапезѣ бѣсовской.“ И паки Колосаемъ глаголетъ: 6) „Не коснись, ниже вкуси, ни осяжи, яже суть вся во истлѣніе употребленіемъ по заповѣдемъ и ученіемъ человѣческимъ“. Да слышать паки святаго Іоанна Златоуста: 7) „Человѣкъ той, иже догматы страшныя погубляя, сего грѣха мученическая кровь загладитъ не можетъ“. Святый апостоль Петръ: 8) „кая есть кончина противящимся Божію евангелію, и аще праведникъ едва спасется, нечестивый же и грѣшный гдѣ явится?“ „Молю-же вы, братіе 9), азъ, юзникъ о Господѣ, бодрствуйте, стойте въ вѣрѣ святѣй, мужайтесь, и утвержайтесь и въ премудрости ходите ко внѣшнимъ, время искущующе 10), яко дніе лукави суть. И не поступни бывайте во святыхъ отческихъ преданіихъ, да съ ними наслѣдите вѣчное царство въ горнѣмъ Іерусалимѣ“. Благочестія отступить, Бога есть отступить. Бесѣдливость 1473 11). Святый пророкъ Михія, сѣтуя, глаголетъ: „увы мнѣ, яко погибе благовѣрный отъ земли, а исправляющаго въ челоуцѣхъ нѣсть“. Сего ради болѣзную въ сердцѣ моемъ и плачюсь, глаголю въ скорби своей, еже нинѣ незаконны старцы наведоша порождъ 12) на цѣломудренную Сусанну на церковь Христову, возлюбленную Матерь нашу, ясно исполнитись на нихъ писаній святыхъ пророкъ 13) „Боже, приидоша

1) Скаска 176-го еевраля 23 день. 2) Колос. зач. 254. 3) Кириѣ. зач. 182. 4) Ниже 5) 1 Коринѣ. 145. 6) Зач. 256. 7) Въ Вѣрѣ листъ 198. 8) Зач. 62. 9) Коринѣ. глава 16. 10) Коласъ 4. 11) Златоустъ. 12) Данииль 13. 13) Псаломъ 70.

языцы въ достояніе Твое, оскверниша церковь святую Твою, положиша труніа рабъ Твоихъ брашно птицамъ небеснымъ и плоти преподобныхъ Твоихъ звѣремъ земнымъ“. Еще паки болѣзную въ сердца моемъ во великой нужды и въ плачи моемъ глаголю вамъ, воспоминаая слова священно-мученика Піонія ¹⁾ (об.). „Новымъ мученіемъ мучимъ есмь въ сердца моемъ и на части разсѣкаемый есмь въ души моей, егда вѣжду бисеры церковныя отъ свиней попираемы и небесныя звѣзды хоботомъ зміинымъ на землю отторженныя и виноградъ, десницею Божіею насажденный, отъ дивяго вепря озобанный и разхищаемый отъ всѣхъ мимоходящихъ путемъ“. „Сего ²⁾ ради азъ плачу и очи мои изліяете воду, яко удалишася отъ мене утѣшай мя; како потемнѣ злато, и взмѣнися сребро доброе, и рассыпашася каменіе, камыцы драгін святыни“.

Въ начало всѣхъ Исходъ. Сынове Сіони честніи и одѣяніи златомъ первымъ, како намѣнишася въ сосуды глиняны дѣло рукъ скудельничю ³⁾, рассыпая радость сердець нашихъ, избранніи отъ пѣсней своихъ умоклоша, обратися въ плачь весь ликъ нашъ, спаде вѣнецъ з главы нашея. Горе намъ горе, яко согрѣшихомъ ⁴⁾! Молю же въ азъ, юзники, любимицы мои христолюбиміи, приклоните ушеса ваша во глаголы устъ моихъ; да побесѣдую вамъ отъ части отъ другихъ новыхъ страдальцахъ и исповѣдникахъ Христовой вѣры и о благочестіи поборниковъ, усердныхъ и теплыхъ стоятелей о церковныхъ догматахъ преподобныхъ отецъ нашихъ обители Соловецкой, еже взыде ми на умъ о страданіи, о великомъ ихъ мученіи и заколени, еже воздохнувши горько восплакати ⁵⁾.

Егда бо взята бысть святая обитель и разорено бысть избранное стадо преподобныхъ отецъ Зосима и Саватія Соловецкихъ отъ враговъ благочестія, ненавидящихъ истинныя правыя вѣры, честнаго креста Господня и знаменія крестнаго и прочихъ догматовъ, тогда святіи отцы и братія, честно иночествующіи, сѣдящии въ ней во обстояніи, въ нужды и въ скорби величій, отъ царева немилосердаго воинства побіены быша и замучены необычными различными муками и смерти преданы, закланы и мечи изсѣчени быша. Преподобный архимандритъ многолѣтній старецъ Никаноръ, иже и отецъ духовный бѣ Царя *Алекстыя*, на службѣ церковной взятъ и замученъ бысть, различно и много томленъ, тако умре и прочія братія, яко агнцы отъ волковъ, безъ милосердія біены и влачimy быша, огнемъ опаляемы, дымомъ томленны, дреколіемъ и палицами біены быша; овии же во льду томленны и заморожены, иные же иными раз-

¹⁾ Минея Чет. мар. 11, листь 98. ²⁾ Плачь пророка Ереміи. Глава 4.

³⁾ Глава 5. ⁴⁾ Страдальца Феодора діакона списокъ. ⁵⁾ О раззореніи въ лѣто 7184.

личными томленіи и муками замучены, яко злодѣи, горькой смерти преданы. Положиша трупія преподобныхъ отецъ неповинныхъ братіи безъ погребенія оставиша бражно птицамъ небеснымъ и звѣремъ земнымъ.

О страданіи святыхъ новыхъ мученицъ. Въ той же вселютой зимѣ отъ новолюбныхъ властей и отъ немилосерднаго воинства и любезнии наши страдалицы, великии страсготерпицы, благочестія поборницы и теплыя рачительницы вѣры Исусъ Христовы, благородныя болярони Феодосія и княгиня Евдокія Прокопиевны во многихъ во многихъ томленіихъ и мученіихъ и и въ заточеніи голодомъ и жаждою моримин, и третія честная Марія съ ними-жъ въ земли посаженныи нуждою и голодомъ томленіи, скончашася ¹⁾). Сии вси тріе горлицы теплѣ пострадавшіе за имя Исусъ Христово, и за благочестіе души своя положиша, и утомлены почиша, оставивше честь и богатстводомовнаго заводу, больши двухсотъ тысящъ, крестьянъ своихъ 8000.

(л. 96). Въ то же время, егда взяша святую Соловецкую обитель и раззориша и преподобныхъ отцовъ и братію, яко волцы свирѣпшии или яко звѣріе дивіи или разбойницы немилосердіи, различно мучиша, яко злодѣевъ, смертемъ предаша. Тогда же и самъ томитель ихъ Царь Алексѣй въ то время отъ Господа пораженъ бысть томительною лютою смертію и, яко трава, пожатъ бысть серпомъ смертнымъ и злѣ гонзулъ житія сего и молитвами тѣхъ новыхъ страдацьцовъ преподобныхъ позванъ на судъ Божій ²⁾). Еще же и великихъ тріехъ благовѣрныхъ боголюбивыхъ женъ молитвами яко сосудъ скудельный, сокрушенъ бысть. Во единомъ бо дни бысть прендобнымъ страдальцемъ томленіе мученіе и смерть и раззореніе, тако-же и Царь Алексѣй ³⁾). Гонили святую Церковь Христову и за вѣру и святыя иконы христіанъ мучили, за то и сами злѣ скончашася.

О кончинѣ лютой отступникомъ ⁴⁾). Первый Іуліанъ царь, отступникъ вѣры Христовы и законопреступникъ и лютой мучитель бысть христіаномъ, позна при смерти своей, чесо ради прободенъ бысть копіемъ отъ святаго мученика Меркурія, и вопіаше, всѣмъ глаголя: „Исусъ Назарянинъ побѣждаетъ мя и убиваетъ!“ И меташа кровь свою: „Побѣдилъ мя еси Галилеянине!“ И умре злѣ.

Второй Анастасій ⁵⁾ царь арианской ереси попоратель и прочимъ еретикомъ и гонитель и мучитель бысть вѣрнымъ. Святой и преподобный отецъ Сава Освященный послание писа къ царю Анастасію, называя новую вѣру его антихристовою вѣрою, и много наказуяше его, отступника и мучителя, и святыхъ отецъ страшными клятвами запрещаше. Царь же

¹⁾ Ср. *Мат. V, 266.* ²⁾ Во 184. ³⁾ Зри и внимай, и якоже прежніи овиі цари и мучители. ⁴⁾ Первый лютой отступникъ. *Мат. VI, стр. 313.* ⁵⁾ Второй лютой гонитель. *Мат. VI, стр. 212 и 312.*

Анастасій не убояси и не раскаявся, о клятвѣ святыхъ отецъ небреже. Потомъ скоро нападе на него страхъ великъ и ужасъ, и начатъ бѣгати въ палатѣ своей и вопити необычнымъ гласомъ, и помалѣ тако и умре, пораженъ злѣ томительною смертію. И погребоша его нечестивыа его святители честно; и во гробѣ паки вложилъ Богъ душу его въ него и оживилъ. Онъ же кричаше, много тоскуя и бѣяся во гробѣ, тоскуя голодомъ моримъ и калиги своя сѣде. Людіе же крикъ вошла его убояшася зѣло. И потомъ разгрѣбоша могилу и открыша гробъ его, и засташа уже послѣдній лоскутъ калиги его въ ротѣ его, и тако паки умре окаянный ¹⁾). Се показа Богъ надъ нимъ сего ради, яко онъ Ц. Анастасій, еретикъ благочестивыхъ людей, за святую вѣру страждущихъ отъ него въ ссылкахъ въ заточеніихъ, въ темницахъ томилъ, мучилъ, голодомъ морилъ, мало зѣло давалъ имъ пищи и питія. Того ради и самъ по смерти своей голодомъ томимъ и калиги своя сѣлъ, тѣмъ образу себѣ во-вѣки вѣчный гладъ. И по немъ еретическое соборище его все разсыпаса и проклятыи власти его вси погибоша.

Третій мучитель Копронимъ ²⁾). Егдаже приде кончина царю Копрониму, гордому мучителю и томителю христіанъ, мучимыхъ за поклоненіе святымъ иконъ (об.), тогда онъ окаянный узналъ правую вѣру почитать святыхъ иконы, вопіяше со ужасомъ великимъ гласомъ: „Увы“, рече: „увы, яко святыхъ ради иконъ при устїи геенны стою и осужденъ есмь уже въ негасимый огонь“. И тако умре окаянный.

Четвертый гонитель. Егда царь Феофилъ иконоборецъ и мучитель благочестивыхъ христіанъ, и ругатель Христову образу и всѣхъ святыхъ, и при смерти позна свое злочестіе и поруганіе святыхъ иконъ и чесо ради уста его богохульная раздрашася и вся внутренняя его видиша ³⁾). При смерти бо откровенна бываютъ всякому дѣла его, благочестивому и злочестивому.

Пятый также и нашъ Московскій Всероссійскій Царь *Алексѣй* ⁴⁾), прельщенный отъ Никона еретика и отступника, благочестивой вѣры христіанской при смерти своей позна неправду свою и законопреступленіе и отпаденіе отъ правой святой вѣры отческія и святыхъ соборныхъ церквц, и вопіяше съ великимъ гласомъ, моляшеся новымъ преподобномученикомъ Сололовецкимъ страдальцемъ: „О господіе мой, отцы святїи преподобни, помилуйте мя, ослабите ми болѣзни сея, поне малъ часъ, да покаюся!“ И предстоящїи и присѣдации ему вопрошаху его, глаголюще со ужасомъ: „Кому ты, Царь Государь, молишия прилѣжно, умильно?“ ⁵⁾ Онъ же сказа имъ: „яко пришли ко мнѣ старцы Соловецкаго монастыря и раз-

¹⁾ Во обличеніе показаніе. ²⁾ О смертѣхъ лютыхъ. *Мат. VI, 217 и 312.* ³⁾ Зри и внимай. ⁴⁾ О кончинѣ Ц. А. и великія нужды. *Мат. VI, 219 и 313.* ⁵⁾ Въ лѣто 7184.

стирають вся кости и составы тѣла моего пилами намелко, и не быть уже ми живу. Пошлите гонца скоро, велите отступитъ“. Боляра же скоро послаша гонца, чтобы монастыря не раззорять и отшли прочь ¹⁾. И въ то время самыя болѣзни его взять бысть монастырь и раззоренъ, и преподобнии отцы, многолѣтнии старцы, братія и бѣльцы различно необычными томленіе и муками заклани побіены и смерти преданы. Во единомъ бо часу бысть Царя *Алексыя* смерть и преподобнымъ отцемъ мученіе. Также тогда отъ стрѣлцакаго головы *Ивана Мещерина*, сатанина угодника, скоро послаша гонца по *Царя Алексыя* на радости, чая себѣ великой почести, еже монастырь взяли и въ немъ живущихъ раззорилъ и умерилъ. Гонцы же оба на пути срътостася и сказавше другъ другу, чесо ради посланы быша, и безъ пользы возвратишася каждо во свояси. Смерть праведнаго сонъ вмѣняетъ, смерть грѣшникомъ люта ²⁾. Смерь не боится къ царю ходитъ, и въ палатахъ его находить, даровъ не смотритъ, злата и сребра не принимаетъ, всѣхъ нагихъ во гробъ отсылаетъ. Се *Царь Алексѣй* скоро скончася, честь, богатство, царство остана, величество и слава преходитъ, точию добрыи и злыи дѣла предходятъ. И по смерти его гной злосмрадный многъ изыде изъ него всѣми уды и составы его и затыкающе бумагою хлопчатою едва возмогша погребсти его въ землю, и предаша персть персти.

1. О кончинѣ *прелагатаевъ* большихъ властей ³⁾. Митрополитъ *Новгородскій Питиримъ*, иже по *Иосафѣ* патріархомъ бысть на *Москвѣ*, аще онъ и не гонитель бысть на вѣру, но цотаковщикъ прочимъ *прелагатаемъ* (л. 97) ⁴⁾ лукавнымъ врагомъ церковнымъ: *Павлу*, и *Ларіону*, и *Лаврентію* и прочимъ, и у живаго у него горло прогнило, вскорѣ и умре отъ тоя болѣзни.

2. *Иоакимъ* патріархъ ⁵⁾ прежде сего палимъ бѣ внутреннимъ огнемъ вельми и безпрестани воду пияше и не може утолити жажди тоя и огня въ себѣ загасить, и отъ того, раздувшися зѣло, тако умре.

3. *Лаврентій* ⁶⁾ митрополитъ *Казанскій* опухлостію тако же зѣльно скорбя и отъ того умре, и по смерти возмердѣся смрадомъ великимъ зѣло. Глаголють, яко по всему граду носится зловонію, и мнози носы свои затыкающе смрада ради.

4. *Иларіонъ* ⁷⁾ архіепископъ *Рязанскій*, отступникъ и *прелагатай*, льстецъ *Царя Алексыя*, гонитель и лютый врагъ церкви *Христовѣ*, паче всѣхъ властей. И у того прежь смерти ноги отсохли по афердонъ ево, яко неправо стоялъ въ вѣрѣ, и много время ношаху его на носилкахъ, и отъ тоя болѣзни

¹⁾ О раззореніи *Соловецкаго*. ²⁾ О кончинѣ *Ц. А. горькой*. ³⁾ О кончинѣ. ⁴⁾ Премъвителей. *Въ Мат. VI, стр. 251: Иосафѣ*. ⁵⁾ и *прелагатаевъ*. ⁶⁾ и отступниковъ вѣры. *Мат. VI, стр. 250*.

умре, весь сухъ бысть, яко трава; прежде возторженія изше огню вѣчному.

5. Не ¹⁾ уполѣдивъ тѣмъ скоро и главнѣйшій прелагатай, и примѣнитель, и нарушитель вѣры Христовы и святой церкви грабитель, и святыхъ отецъ уставамъ и чина и догматъ премѣнитель, злый вождь, волкъ сый въ кожи овчій Никонъ патріархъ, убѣгаяй къ свободѣ при воприжяй же онь (?), но отъ Вышняго Великаго Пастыря клятвы и мукъ не убѣжа, еще же и отъ дворскіа немощи не избывъ ²⁾: живъ сый, ходилъ, аки мертвъ, унылъ отчаянъ и смерть отчаятельную горьку, гласъ испуская, подъя въ пути своемъ.

Сія же вся внимать и разсуждати правовѣрнымъ подобаетъ, яко Господь Богъ дивенъ и страшенъ въ дѣлахъ Своихъ и воздаетъ комуждо по дѣломъ его. Смерть грѣшникомъ люта, смотри надъ умершими пута. Аще Арій и въ проходѣ издохъ, а ариане о томъ не брегуть. И что творить подобніи надъ прочими гонители и отступники и премѣнители вѣры, каковыи казни и смерти наводитъ? А оставшіи прельщеніи, помрачившіися прелестію, и въ таковомъ ожесточеніи отступленія благочестія казни Божія не брегуть, и клятвы святыхъ отецъ не страшять, и самовольно погибають. Сего ради, да блюдется убо каждо правовѣрный отъ зловѣрія многокозненнаго и пестрообразныя ереси.

Святыи пророкъ Михей сѣтуа глаголетъ ³⁾: „Увы мнѣ, яко погибе благоговѣнный отъ земля, а исправляющаго въ чловѣцѣхъ нѣсть“. Слышите святаго апостола Павла ⁴⁾: „Аще мы или аггелъ съ небеси благовѣститъ вамъ, паче еже пріаеете, анаеема да будете“.

Благочестія отступитъ ⁵⁾, Бога есть отступити; якоже бо въ царьскихъ цатахъ, иже мало отъ образа пресѣче, всю цату непотребну содѣла; сице иже здравыя вѣры и малѣйшую часть превративъ, все погубляетъ, на горшая произходя отъ начала ⁶⁾. „Церковь есть домъ отчій, едино тѣло и единъ духъ“; якоже бо и тѣло и глава единъ есть чловѣкъ, тако церковь и Христа едино быти глаголетъ. Церковь есть мѣсто аггельское ⁷⁾, мѣсто архаггельское, царство Божіе, само то небо (об.) понеже бо въ ней аггели и чловѣки купно Бога славять“. Бесѣда на дѣян. ⁸⁾ „Церковь есть сокровище тайнъ“. Разумѣсте ли коликой красоты церковь святую преукрашенну, раю подобну, свят. тайнъ благодати преисполненну. „Есть ⁹⁾ бо сія святыхъ церковь, въ нейже едина во Христа Бога вѣра и едино крещеніе, едино чинное изрядство святыхъ тайнъ, краснѣйши солнца и яснѣйшій паче всѣхъ звѣздъ. Сихъ убо восприемлетъ ноць, церкви же не долѣетъ злоба никогдаже. Коликой тщеты, помысли, отпадающихъ святыхъ церкви и правыхъ святыхъ вѣры ¹⁾. И

¹⁾ Благочестія нарушитель. ²⁾ и святыхъ отецъ догматъ. ³⁾ Глава 7.

⁴⁾ Галат. глава 1. ⁵⁾ Златоустъ 1473. ⁶⁾ зри, внимай, Златоустъ 1695.

⁷⁾ Листъ 1007. ⁸⁾ Листъ 709. ⁹⁾ Цвѣтникъ духовный.

кто сиде окаяненъ, рече о раздирающихъ церковное соединеніе; суть бо мнози радующеся о злыхъ и тѣло Христово разтерзающіи паче, нежели воини копіемъ пресѣкоша или іудѣи гвоздьми прободоша ²⁾). Оное сего есть меньшее зло: оніи пресѣченіи уди паки совокупшася, сіи же отвергшись, аще здѣ не совокупятся, не къ тому совокупятся, но пребываютъ исполненія церковнаго внѣ. Святый Антоній ³⁾ рече: Бесѣда со еретики — погибель есть души, лютейши бо суть яда змінна глаголи ихъ. Сохрани ⁴⁾ же ся отъ еретикъ. не бесѣдуй съ ними. хотяи исправити вѣру, егда когда ядъ словесъ ихъ вредить ты. Блуди же ся всякой ереси. Святый анггелъ показуя глагола Феофану ⁵⁾: се мѣсто темно и смрадно во огни уготованно есть еретикомъ и отступникомъ вѣры, и хульникомъ, клеветникомъ и послушающихъ словесъ ихъ. Глаголю же ти, отче, яко, еще и вся добродѣтели исправитъ человекъ, и не право вѣритъ во святую церковь, на сіе мѣсто въ таковыя муки отходить. Святый Іоаннъ Богословъ 2 посланіе ⁶⁾). Всякъ преступай и не пребывай во ученіи Христовѣ, Бога не имать. Пребывай же во ученіи Христовѣ, сей и Отца и Сына имать. Мнози ⁷⁾ убо мяше вѣровать, но не якоже рече писаніе, а якоже тѣи своимъ изволеніемъ послѣдоваша, тѣи вси еретицы. Зри Благовѣстникъ: не по писанію вѣрующии вси еретицы, и понеже они своимъ ересемъ послѣдоваша, того ради и погибоша. Многосложный свитокъ къ Феофилу царю Греческому въ концы слова ⁸⁾: Колико воеваша цари на церковь Христову, колико мучителемъ попущенно бысть ратовать церковь, но врата ада не удалѣша ей; человекъ бо ратующіи умирають и погибають и яко единъ отъ князей падають и гробъ ихъ содержитъ, и клятвами бѣдъ увязошася во-вѣки. Проклятъ всякъ раззоряй уставы отческіа, не временныя, но вѣчныя и непремѣнныя догматы уставы церковныя, яже положиша и утвердиша отцы твои. Святыхъ отцовъ архіереовъ соборъ ⁹⁾). Сія вѣра апостольская, сія вѣра отческая, сія вѣра вселенную просвѣти, а иже кто дерзнетъ инако вѣровать или развращать что отъ законоположныхъ во святѣи церкви держимыхъ сущихъ догматъ по первымъ обычаемъ святыхъ отцевъ и благочестивыхъ царей, аще святители—суть извержени и прокляти да будутъ; аще иноцы или мірстїи—тою же клятвою осуждены да будутъ. Сія уставляемъ великаго пастыря архіерея Господа нашего Ісуса Христа, иже запечатлѣетъ бездны страшнымъ и страшнымъ своимъ повелѣніемъ. Страшно есть внасти въ руцѣ Бога жива.

30 октября 1908 г. Печатать разрѣшается. И. д. Ректора С. Петероургской духовной академіи архимандритъ *Феофанъ*.

Редакторъ профессоръ С.-Петербургской духовной академіи

Петръ Смирновъ.

¹⁾ Златоустъ бесѣд. 1692. ²⁾ Листъ 2066. ³⁾ Патерикъ 228. ⁴⁾ Зерцало духовное 31. ⁵⁾ Подобне виде святый Іоаннъ. ⁶⁾ Зач. 75. ⁷⁾ Евангеліе тол. пост. ер 50-цу. ⁸⁾ Книга соборникъ. ⁹⁾ 1454.



САНКТ-ПЕТЕРБУРГСКАЯ ПРАВОСЛАВНАЯ ДУХОВНАЯ АКАДЕМИЯ

Санкт-Петербургская православная духовная академия Русской Православной Церкви – высшее учебное заведение, целью которого является подготовка священнослужителей, преподавателей духовных учебных заведений и специалистов в области богословских и церковных наук. Подразделениями академии являются: собственно академия, семинария, регентское отделение, иконописное отделение и факультет иностранных студентов.

Проект по созданию электронного архива журнала «Христианское чтение»

Проект осуществляется в рамках процесса компьютеризации Санкт-Петербургской православной духовной академии. В подготовке электронных вариантов номеров журнала принимают участие студенты академии и семинарии. Руководитель проекта – ректор академии епископ Гатчинский Амвросий. Куратор проекта – проректор по научно-богословской работе священник Димитрий Юревич. Материалы журнала подготавливаются в формате pdf, распространяются на компакт-диске и размещаются на сайте академии.

На сайте академии
www.spbda.ru

- события в жизни академии
- сведения о структуре и подразделениях академии
- информация об учебном процессе и научной работе
- библиотека электронных книг для свободной загрузки